

東

牟

集

六



詳校官左中允_臣瑋五珠

主事_臣呂雲棟覆勘

膳錄監生目俞光豫

膳錄監生目劉塔

欽定四庫全書

東牟集卷九

宋 王洋 撰

表

賀冊皇太后禮成表

慈恩遠被母道貴親至德增明天下自順恭惟皇太后
陛下夙贊先皇弼成至化誕生明聖纘繼鴻庥華胥實
贊於軒圖文母有光於周道恭惟皇帝陛下治道克成
孝德聿盡爰歸功於慈訓遂推美於瓊章邁古今之上

儀接祖宗之舊制孝恭交至家國慶安臣邀居下土遙
仰闕廷雖濟濟蹌蹌莫預搢紳之列而雖雖肅肅同聽
遐邇之歌

到邵武軍任謝表

分守無功宜收符竹引嫌自請尚領軍麾被寵若驚以
榮為懼伏念臣伶俚傳末族樸樸小才持身本乏於寸長
積毀難逃於衆口豈期僥倖頻辱使令右粥左餐坐享
豐登之樂戴天履地難酬飽煖之恩此蓋伏遇皇帝陛下

下洪覆兼容大明旁燭憫一夫之失所致四海之歸心
臣敢不上體薰陶益思砥礪觀民膏民脂之戒夙夜靡
忘奉一心一德之規造次於是

辭免兼侍講表

聞命震驚罔知所措竊以帝王之學緝熙光明爰象之
書廣大悉備非通儒之鴻博曷備問於清閒伏念臣理
昧鉤深識非知一徒以雕蟲之末技誤膺出綽之代言
莫稱使令已憂踰溢更玷露門之清選妄談太極之微

文懼瀆聖聰必譁公議伏祈睿斷改授時髦庶俾小臣
獲安愚分

侍講謝表

臣某言伏奉告命授臣兼侍講者詞掖代言方愧六員
之選經筵勸講誤聯三侍之榮寵踰其涯悸不自定臣
某誠惶誠懼頓首頓首伏念臣稟質淺窳逢辰休華屢
叨洪恩驟寘近列顧篆蟲之末技何取於致君以涉獵
之謏聞豈精於談易况夫親法宮之事者其臣莫及游

聖人之門者於言為難故文王深達於六爻獨演河圖之妙雖孔子猶勤於三絕敢陳黼座之前過被絲綸密承帷幄茲蓋伏遇皇帝陛下體堯稽古邁禹惜陰日月就將自得光明之學乾坤易簡發為久大之功樂取於人不求其備臣敢不研精十翼撮要九師如至治之宏綱見於觀象庶俯詢之清問可以據經臣無任

代宰臣以下賀瑞木表

臣某等言近據虔州守臣薛弼進上瑞木中有天下太

平年五字者德格圓穹昭示一人之慶木呈嘉瑞中藏
五字之文珍貺一聞懽聲四達臣某等誠懽誠忭頓首
頓首竊以物雖微於動植政實與之感通和氣致祥則
天且弗違聖人在上則木皆得性衆枝內附示武王無
外之休仆柳成文啟宣帝中興之兆同穎駢柯之秀扇
厨指佞之生史不絕書地非愛寶魯未若木析斧斤之
際文形節月之間匪刻匪雕示以三登之意非行非草宛
具八法之工新逢甲子之上元得在章貢之南服當仁

宗之慶厯嘗獻自於澧陽逮神祖之熙寧亦見諸於柚
木崇和列瑞治平紀祥欣逢再造之期實繼前休之盛
恭惟皇帝陛下升煙饗帝振鐸右文孝悌之德通神明
忠厚之仁及草木魯史記九年之蓄已聞輿議之共稱
周詩備五福之章孰謂太平之無象惟夫萬物得由其
道故有諸福可致之祥昭賁飾於人文闡坤珍於植性
臣等叨陪宰路莫測聖功俯察仰觀合歲星主文之象
母修子應彰火德為孝之符臣等無任

代謝幸太學表

八表塵清仰屬右文之世六飛雷動一新視學之儀昭
回咫尺之天顏鼓舞衆多之士類慶諧千載風動萬方
中謝竊以聖代恢儒非止奉行於故事王畿首善蓋將
樂育於英材治已格於偃修教必敦於帥勸振風俗於
衣冠之舊息干戈為禮樂之華鋪張奕世之宏休紹復
中興之盛典於今為最亘古未聞夙駕臨廡藹鬱蔥
蔥之瑞溫顏下士見洋洋濟濟之風既釋菜於杏壇重

橫經於黼座臚傳趣召欣聯振鷺之班廡席回環分賜
蒼龍之壁旋移天步親御書帷睿意非常不數漢唐之
陋誦聲遠播悉還鄒魯之純恩下九天榮生一日恭惟
皇帝陛下心游六藝道冠百王論經何啻於夜分議政
有踰於日昃手揮宸翰仰窺琬琰之光帶擁橋門咸聳
雲霓之望綸言載布聖德昭孚臣敢不祇奉訓辭恪勤
術業學如不及肯忘寸璧之陰樂且有儀不負百朋之

錫

代張帥謝除待制表

承流京邑方懷瘼曠之虞次對禁塗遽被褒遷之寵自
天拜命無地措躬伏念臣生稟庸資進蒙異睠馳星輶
而轉漕未及終更任天府之劇繁遂叨試可屬神聖中
興之運蒐禮文久隆之儀百度肇新千齡希遇實臣子
效勲猷之日雖盡勤勞然材能有分量之拘終難稱塞
每憂夙夜無補事功况桴鼓未稀尤愧夫輦轂彈壓之
政而荷囊忽佩奚取於侍從言語之臣避不獲辭得非

所望茲蓋伏遇至仁博愛妙道曲成錄善棄瑕急堯帝
親賢之意兼收並蓄無商王求備之心雖甚拙疎亦加
甄獎臣敢不坐以待旦益思父教之忠國爾忘家願報
君恩之賜

代謝轉官表

郊祀配天創見修文之效考工率職遽叨增秩之榮拜
命自天措躬無地中謝伏念臣猥從踈遠遭值聖明解
京兆之守符持甘泉之從橐屬陽陞精禋之饗雷動屬

車具勾陳法駕之嚴星羅周衛供無乏事幸免瘵官恩
更俾之序遷得實逾於望外茲蓋伏遇道參化育德洽
臣鄰稽古禮文炳同風於三代咸精技巧覈稱職以中
興乃如罔功亦誤優擢臣敢不勉思宜稱祇佩寵光益
殫夙夜之勤庶有涓埃之報

代謝賜對衣金帶表

榮頒顯服檐如一襲之恩巧製精鏐燦若萬釘之寶寵
非常而驟及德不稱以深慚中謝伏念臣稟質迂疎逢

時熙洽考績王畿之治曾莫逮於中材躋身法從之聯
恩實由於上力更蒙褒博增賁辱愚茲蓋伏遇命式九
圍德承羣辟信賞既精於為治儀刑遂致於作孚雖器
名不假於人欲昭國典然體貌以厲其節爰錫身章臣
敢不衣被知榮縻捐誓報服之無斁闕必念於彌縫束
可使言口不憂於衆鑠

代王帥謝賜對衣金帶表

行都延閣方懷曠職之虞顯服精鏐更被章身之寵人